



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅՈՒՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ ՌԵԳԻՍՏՐ

ՊԵՏԱԿԱՆ ՄԻԱՄՆԱԿԱՆ ԳՐԱՆՑԱՄԱՏՅԱՆԻՑ ՔԱՂՎԱԾՔ առ 2018-11-22

**«ՆՈՐ ՀԱՅԱՍՏԱՆ ՀԱՅՐԵՆԻՔ-ՍՓՅՈՒՌՔ» ԲԱՐԵԳՈՐԾԱԿԱՆ
Հասարակական կազմակերպություն (ՀԿ)**

Գրանցման համար 211.171.1047200

Հիմնադրման տարի 2018

Գրանցման ամսաթիվ 2018-11-22

Գործունեության ժամկետ Անժամկետ

Կարգավիճակ Իրավաբանական անձի լուծարման գործընթացում գտնվելու կամ գործունեության (գոյության) դադարման մասին պետական միասնական գրանցամատյանում տեղեկություններ գրառված չեն:

Իրավաբանական անձի ծածկագիր (ՁԿԴ) 51346229

Հարկ վճարողի հաշվառման համար (ՀՎՀՀ) 05547454

Սոցիալական վճարների պարտավորությունների
անձնական հաշվի քարտի համար (Ապահովագրի
ծածկագիր) 177200

Էլ. փոստ -

Կայք -

Գտնվելու վայրը

Հասցե ՊՈՒՇՅԱՆ Փ. / Տ / 24 ԱՐԹԻԿ 3001 ՇԻՐԱԿ
ՀԱՅԱՍՏԱՆ

Հեռախոս 10-000000

Գործադիր մարմնի ղեկավար

Պաշտոն Նախագահ

Անուն Ազգանուն ԳԵՎՈՐԳ ՍՈՒՋՅԱՆ ՌՈՒԲԵՆԻ


Անձնագրային տվյալներ AS0324049 2018-08-07 028

Հասցե ՊՈՒՇՅԱՆ Փ. / Տ / 24 ԱՐԹԻԿ 3001 ՇԻՐԱԿ
ՀԱՅԱՍՏԱՆ

Կազմված է 05. 11. 2018 թվականին,
բաղկացած է 13 թերթից

Հաստատված է
«Նոր Հայաստան հայրենիք-սփյուռք»
բարեգործական
հասարակական կազմակերպության
հիմնադիր ժողովի

05. 11. 2018 թվականի որոշումով

Նախագահ՝ 

Գևորգ Սուջյան

Տպագրված է ընդամենը 2 օրինակ

Օրինակ -1

ԳՐԱՆՑՎԱԾ Է

ՀԱՅԱՍՏԱՆԻ

ՀԱՆՐԱՊԵՏՈՒԹՅԱՆ

ԻՐԱՎԱԲԱՆԱԿԱՆ

ԱՆՁԱՆՑ ՊԵՏԱԿԱՆ

ՌԵԳԻՍՏՐԻ

ԳՈՐԾԱԿԱԼՈՒԹՅԱՆ

ԿՈՂՄԻՑ

«22» 11 2018թ.

գրանցման թիվ 211.171.104.7200

Հարկ վճարողի հաշվառման համար

05547454





ԿԱՆՈՆԱԴՐՈՒԹՅՈՒՆ

«ՆՈՐ ՀԱՅԱՍՏԱՆ ՀԱՅՐԵՆԻՔ-ՍՓՅՈՒՌՔ» ԲԱՐԵԳՈՐԾԱԿԱՆ
ՀԱՍՏԱՐԱԿԱԿԱՆ ԿԱԶՄԱԿԵՐՊՈՒԹՅԱՆ

Արթիկ 2018 թ.

1. ԸՆԴՀԱՆՈՒՐ ԴՐՈՒՅԹՆԵՐ

1.1 «Նոր Հայաստան հայրենիք-սփյուռք» բարեգործական հասարակական կազմակերպությունը (այսուհետ՝ Կազմակերպություն), Հայաստանի Հանրապետության քաղաքացիների, օտարերկրյա պետությունների քաղաքացիների, քաղաքացիություն չունեցող անձանց և /կամ/ իրավաբանական անձանց հասարակական միավորում է, որն ունի ոչ առևտրային կազմակերպության կարգավիճակ:

1.2 Կազմակերպությունը գործում է ՀՀ օրենսդրության, ՀՀ միջազգային պայմանագրերի և սույն կանոնադրության հիման վրա:

1.3 Կազմակերպության գործունեության սկզբունքներն են օրինականությունը, խտրականության բացառումը, անդամության կամավորությունը, անդամների շահերի ընդհանրությունը, ինքնակառավարումը, բարեխղճությունը, հաշվետվողականությունը:

1.4 Կազմակերպությունը գործում է ՀՀ ողջ տարածքում և օտարերկրյա պետություններում՝ այդ պետությունների օրենսդրությանը համապատասխան:

1.5 Կազմակերպությունն ունի առանձնացված գույք, ինքնուրույն հաշվեկշիռ, հայերեն, ռուսերեն, անգլերեն լեզուներով կլոր կնիք, դրոշմ, հաշվարկային հաշիվ բանկում՝ ինչպես դրամով, այնպես էլ արտարժույթով:

1.6 Կազմակերպությունն ունի իր խորհրդանիշը՝ որում շրջանակի մեջ պատկերված է գլոբուս: Գլոբուսի կենտրոնական մասում պատկերված է Արարատ լեռը, իսկ Արարատ լեռան ներքևում պատկերված է ձեռքսեղմում: Խորհրդանիշի պատկերը կցված է սույն կանոնադրությանը:

1.7 Կազմակերպության անվանումն է՝

Հայերեն լրիվ՝ «Նոր Հայաստան հայրենիք-սփյուռք» բարեգործական հասարակական կազմակերպություն, կրճատ՝ «Նոր Հայաստան հայրենիք-սփյուռք» բարեգործական ՀԿ, հապավումը՝ ՆՀՀՍ ԲՀԿ:

1.8 Կազմակերպությունն իրավաբանական անձի կարգավիճակ է ձեռք բերում պետական գրանցման պահից:

1.9 Կազմակերպությունը կարող է օրենքով սահմանված կարգով ստեղծել տնտեսական ընկերություններ և նրանց միջոցով իրականացնել ձեռնարկատիրական գործունեություն, որից ստացված եկամուտները կուղղվեն կազմակերպության նպատակներին: Կազմակերպությունը ՀՀ օրենսդրությամբ սահմանված կարգով անձամբ կարող է զբաղվել ձեռնարկատիրական գործունեությամբ՝ իր կանոնադրությամբ սահմանված նպատակներին համապատասխան:

1.10 Կազմակերպության գտնվելու վայրն է՝ Հայաստանի Հանրապետություն, Շիրակի մարզ, ք. Արթիկ, Պոռշյան փող, տուն 24:

2. ԿԱԶՄԱԿԵՐՊՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ ԵՎ ՆՊԱՏԱԿՆԵՐԸ

2.1 Կազմակերպության գործունեության առարկան ու նպատակներն են՝ ՀՀ օրենսդրությամբ սահմանված կարգով՝

- նպաստել Արցախի, Սփյուռքի և Հայաստանի Հանրապետության միջև կապերի զարգացմանն ու ամրապնդմանը,
- նպաստել Հայաստանի Հանրապետության քաղաացիների և ազգությամբ հայերի միջև կապերի ամրապնդմանը, ինչպես նաև ազգային մշակույթի, սովորույթների և ավանդույթների պահպանմանը,
- Օգնել սոցիալապես անապահով և զոհված ազատամարտիկների ու մարտական գործողությունների ժամանակ զոհված, ինչպես նաև վիրավոր զինվորների ընտանիքներին,
- պարգևատրել պատվոգրերով և շքանշաններով օրենքով սահմանված կարգով,
- նպաստել Ազգ-բանակ համագործակցության ամրապնդման
- նպաստել ՀՀ-ում մարդու իրավունքների, այդ թվում՝ սոցիալապես անապահով անձանց իրավունքների պաշտպանությանը և քաղաքացիական հասարակության կայացմանը,
- օժանդակել Հայաստանի բնակչության սոցիալական, գիտական, կրթական, մշակութային, առողջապահական, սպորտի և այլ սոցիալ-մշակութային հիմնախնդիրների լուծմանը
- նպաստել խոցելի և անապահով խմբերի սոցիալական ներգրավվածությանը հասարակական կյանքին,
- Զարգացնել մարդասիրական և ժողովրդավարական մոտեցումներ հասարակությունում՝ արձագանքելով երեխաների և մեծահասակների սոցիալական, հոգեբանական, մտավոր և ֆիզիկական կարիքներին,
- մշակել և իրականացնել այնպիսի ծրագրեր, որոնք կնպաստեն հասարակության շրջանում իրավապաշտպանության մեխանիզմների ստեղծմանը և տարածմանը,
- իրականացնել ՀՀ օրենսդրությամբ չարգելված այլ գործունեություն:

2.2 Իր նպատակներն ու խնդիրներն իրականացնելու համար կազմակերպությունը համագործակցում է պետական կառավարման և տեղական ինքնակառավարման մարմինների, միջազգային և օտարերկրյա համանման կազմակերպությունների, ՀՀ-ում գրանցված այլ կազմակերպությունների, ինչպես նաև անհատների և ոչ ֆորմալ խմբերի հետ:

2.3 Հասարակական կազմակերպությունը չի կարող ունենալ այնպիսի նպատակներ, որոնք օրենքով վերապահված են կուսակցությանը, կրոնական կազմակերպությանը, արհեստակցական միությանը կամ այլ հասարակական միավորմանը:

3. ԿԱԶՄԱԿԵՐՊՈՒԹՅԱՆ ԳՈՐԾՈՒՆԵՈՒԹՅՈՒՆԸ

3.1. Իր խնդիրների իրականացման համար միջոցներ հայթայթելու նպատակով կազմակերպությունը ՀՀ օրենսդրությամբ նախատեսված կարգով, կարող է կազմակերպել տարբեր բնույթի և ծավալի միջոցառումներ, ինչպես Հայաստանի Հանրապետությունում, այնպես էլ՝ արտերկրում:

3.2. Կազմակերպությունը կարող է օրենքով սահմանված կարգով ստեղծել տնտեսական ընկերություններ և նրանց միջոցով իրականացնել ձեռնարկատիրական գործունեություն, որից ստացված եկամուտները կուղղվեն կազմակերպության նպատակներին: Կազմակերպությունը ՀՀ օրենսդրությամբ սահմանված կարգով անձամբ կարող է զբաղվել ձեռնարկատիրական գործունեությամբ իր կանոնադրությամբ սահմանված նպատակներին համապատասխան:

3.3. Իր նպատակների և խնդիրների իրականացման համար կազմակերպությունը կարող է իրականացնել նաև Հայաստանի Հանրապետության օրենսդրությամբ չարգելված այլ գործունեություն:

3.4. Կազմակերպությունը ՀՀ օրենսդրությամբ սահմանված կարգով կարող է ունենալ լրատվական միջոցներ և ունենալ տպագիր մարմիններ:

3.5. Կազմակերպությունը պատասխանատու չէ իր անդամների անհատական գործունեության համար:

4. ԿԱԶՄԱԿԵՐՊՈՒԹՅԱՆ ԱՆԴԱՄԱԳՐՎԵԼՈՒ ԵՎ ԱՆԴԱՄՈՒԹՅՈՒՆԻՑ ԴՈՒՐՍ ԳԱԼՈՒ ԿԱՐԳԸ

4.1. Կազմակերպության անդամ անդամ կարող է դառնալ Հայաստանի Հանրապետության, ինչպես նաև օտարերկրյա ցանկացած քաղաքացի, ինչպես նաև ցանկացած իրավաբանական անձ, որը ցանկանում է մասնակցել նրա գործունեությանը, նպատակային խնդիրների իրականացմանը և ընդունում է Կազմակերպության կանոնադրությունը:

4.2. Կազմակերպության անդամ դառնալու ցանկություն ունեցող անձը, իսկ իրավաբանական անձի դեպքում իրավասու մարմնի կողմից լիազորված անձը՝ իրավասու մարմնի որոշման հիման վրա, գրավոր դիմում է Կազմակերպության գործադիր մարմնին:

4.3. Մինչև տասնչորս տարեկան անչափահասը Կազմակերպությանը կարող է անդամագրվել իր ցանկությամբ՝ օրինական ներկայացուցչի դիմումի հիման վրա: Տասնչորսից մինչև տասնութ տարեկան անչափահասը, եթե օրենքով սահմանված կարգով լրիվ գործունակ չի ճանաչված, Կազմակերպությանը կարող է անդամագրվել իր դիմումի հիման վրա՝ օրինական ներկայացուցչի գրավոր համաձայնությամբ:

Կազմակերպության անդամության մեջ ընդունելու հարցը լուծում է Խորհուրդը՝ համաձայն իր կողմից մշակված կանոնակարգի:

4.4. Կազմակերպության անդամության մեջ ընդունելու հարցը լուծում է Կազմակերպության գործադիր մարմինը:

4.5. Կազմակերպությանն անդամագրված անձն ազատ է դուրս գալու Կազմակերպությունից, իր դիմումի հիման վրա, իսկ իրավաբանական անձի դեպքում՝ իրավասու մարմնի որոշման հիման վրա՝ գործադիր մարմնի որոշմամբ:

4.6. Կազմակերպության անդամությունից հեռացումը տեղի է ունենում գործադիր մարմնի որոշմամբ:

Կազմակերպության անդամին Կազմակերպության անդամությունից հեռացնելու մասին որոշման հիմք կարող են հանդիսանալ.

ա) Կազմակերպության անդամի կողմից իր պարտականությունները չկատարելը.

բ) Կազմակերպության անդամի կողմից Կազմակերպության կանոնադրությանն ու նպատակներին հակասող գործողություններ կատարելը:

5. ԿԱԶՄԱԿԵՐՊՈՒԹՅԱՆ ԱՆԴԱՄՆԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

5.1. Կազմակերպության անդամն իրավունք ունի՝

- Կազմակերպության կանոնադրությամբ սահմանված դեպքերում և կարգով ընտրել և ընտրվել Կազմակերպության ղեկավար կառավարման մարմիններում.
- ներկա գտնվել Ընդհանուր ժողովին անձամբ, իսկ իրավաբանական անձի դեպքում՝ նաև լիազորված անձի միջոցով.
- անվճար կարգով օգտվել Կազմակերպության ծառայություններից.
- ծանոթանալ Կազմակերպության մարմինների արձանագրություններին, ստանալ նրանց ընդունած որոշումների պատճենները.
- վերադասության կամ դատական կարգով բողոքարկել Կազմակերպության մարմինների որոշումները:
- Կազմակերպությունից պահանջել տեղեկություններ, ստանալ փաստաթղթերի պատճեններ՝ Կազմակերպության կանոնադրության փոփոխությունների, մարմինների արձանագրությունների, որոշումների, գույքի կառավարումից ստացված դրամական միջոցների վերաբերյալ, ինչպես նաև ստանալ նրա ֆինանսական հաշվետվությունների աուդիտն իրականացրած անկախ աուդիտորի եզրակացության պատճենը, որոնք վերաբերում են վերջին երեք տարիներին.
- իրականացնել օրենքով կամ Կազմակերպության կանոնադրությամբ սահմանված այլ իրավունքներ:

5.2. Կազմակերպության անդամը պարտավոր է՝

- կատարել Կազմակերպության կանոնադրական պահանջները և կառավարման մարմինների որոշումները.
- մուծել անդամավճար՝ Ընդհանուր ժողովի կողմից սահմանված լինելու դեպքում, որոնց չափն ու վճարման կարգը սահմանում է Ընդհանուր ժողովը.
- բարեխղճորեն կատարել կառավարման մարմինների որոշմամբ իր վրա դրված պարտականությունները:

5.3. Կազմակերպության անչափահաս անդամներն ունեն Կազմակերպության անդամների համար սույն կանոնադրությամբ նախատեսված միևնույն իրավունքները, բացառությամբ Կազմակերպության մարմիններում ընտրվելու իրավունքի, և կրում են միևնույն պարտականությունները:

5.4. Կազմակերպության կանոնադրությունը խախտող կամ իր պարտականությունները չկատարող անդամի նկատմամբ Կազմակերպության Ընդհանուր ժողովի կողմից կարող են կիրառվել կարգապահական տույժի միջոցներ՝ նկատողություն, Կազմակերպության անդամությունից հեռացում:

6. ԿԱԶՄԱԿԵՐՊՈՒԹՅԱՆ ԻՐԱՎՈՒՆՔՆԵՐԸ, ՊԱՐՏԱԿԱՆՈՒԹՅՈՒՆՆԵՐԸ ԵՎ ՊԱՏԱՍԽԱՆԱՏՎՈՒԹՅՈՒՆԸ

6.1. Կազմակերպությունը, իր կանոնադրությամբ նախատեսված նպատակներն իրականացնելու համար, օրենքով սահմանված կարգով իրավունք ունի՝

- 1) իր անունից ձեռք բերելու և իրականացնելու գույքային և անձնական ոչ գույքային իրավունքներ, կրելու պարտականություններ, դատարանում հանդես գալու որպես հայցվոր կամ պատասխանող.
- 2) բացելու բանկային հաշիվներ Հայաստանի Հանրապետության և օտարերկրյա պետությունների բանկերում՝ Հայաստանի Հանրապետության դրամով և (կամ) արտարժույթով.
- 3) ստեղծելու այլ կազմակերպություն կամ լինելու նրա մասնակից.
- 4) ստեղծելու առանձնացված ստորաբաժանումներ կամ հիմնարկներ.
- 5) տեղեկատվություն տարածելու իր գործունեության մասին.
- 6) կազմակերպելու և անցկացնելու խաղաղ, առանց զենքի հավաքներ.
- 7) օրենքով սահմանված կարգով ներկայացնելու ու պաշտպանելու իր և իր անդամների, շահառուների և կամավորների իրավունքներն ու օրինական շահերն այլ կազմակերպություններում, դատարանում, պետական կառավարման և տեղական ինքնակառավարման մարմիններում.
- 8) համագործակցելու այլ կազմակերպությունների, այդ թվում՝ միջազգային կամ օտարերկրյա կազմակերպությունների հետ, ինչպես նաև համակարգված գործունեություն ծավալելու, ընդհանուր շահեր ներկայացնելու և պաշտպանելու

նպատակով այդ կազմակերպությունների հետ ստեղծելու Կազմակերպություն կամ անդամակցելու նրանց ստեղծած Կազմակերպությանը՝ պահպանելով իր ինքնուրույնությունը և իրավաբանական անձի կարգավիճակը.

9) Կանոնադրությամբ նախատեսված ոլորտներում տրամադրել իրավաբանական խորհրդատվություն.

10) կատարելու օրենքով չարգելված այլ գործողություն:

6.2. Կազմակերպությունը պարտավոր է՝

1) վարել իր անդամների և կամավորների հաշվառումը.

2) եթե Կազմակերպությունը հաշվետու տարվա ընթացքում հանրային միջոցներից ֆինանսավորվել է հինգ միլիոն և ավելի Հայաստանի Հանրապետության դրամի չափով, ապա օրենքով սահմանված կարգով պետական մարմիններ ներկայացված նրա տարեկան ֆինանսական հաշվետվությունները ոչ ուշ, քան հաջորդող տարվա մայիսի 15-ը հանրային միջոցներից ֆինանսավորման մասով ենթակա են պարտադիր աուդիտի՝ Կազմակերպության Ընդհանուր ժողովի ընտրած անկախ աուդիտորի կողմից:

3) պաշտոնական կայքի առկայության դեպքում հասցեի վերաբերյալ ծանուցել ՀՀ Իրավաբանական անձանց պետական ռեգիստրի գործակալությանը.

4) «Հասարակական Կազմակերպությունների մասին» ՀՀ օրենքի պահանջների կատարումը ստուգելու համար Հայաստանի Հանրապետության կառավարությանն առընթեր պետական եկամուտների կոմիտեի (այսուհետ՝ Լիազոր մարմին) պատճառաբանված պահանջով ողջամիտ ժամկետում նրան տրամադրել իր կառավարման մարմինների որոշումների պատճենները կամ գործունեության մասին այլ փաստաթղթեր.

5) Կազմակերպության անդամի պահանջով ոչ ավելի, քան պահանջի ստացման օրվանից հետո՝ հինգ աշխատանքային օրվա ընթացքում, նրան հնարավորություն տալ ծանոթանալու Կազմակերպության կանոնադրությանը, հիմնադիր այլ փաստաթղթերի, Ընդհանուր ժողովի որոշումներին կամ տրամադրել դիմողին թղթային կամ էլեկտրոնային եղանակով՝ պահանջի ստացման օրվանից հետո՝ հինգ աշխատանքային օրվա ընթացքում: Սույն կետում նշված տեղեկությունները, փաստաթղթերը տրամադրելու համար կարող է գանձվել վճար, որը չի կարող գերազանցել դրանք տրամադրելու համար կատարված ծախսերը.

6) Կազմակերպության կանոնադրության փոփոխությունների, ինչպես նաև վերակազմակերպման կամ լուծարման դեպքերում՝ օրենքով սահմանված կարգով դիմել ՀՀ իրավաբանական անձանց պետական ռեգիստրի գործակալություն.

7) իր գործունեության և գույքի օգտագործման տարեկան հաշվետվությունները ներկայացնել Կազմակերպության գործադիր մարմնի հաստատմանը՝ ապահովելով այդ հաշվետվությունների հրապարակայնությունը.

8) կատարել օրենքով սահմանված այլ պարտականություններ:

6.3. Կազմակերպության մարմինները նրա անունից հանդես գալիս պետք է գործեն բարեխղճորեն և ողջամտորեն՝ ի շահ Կազմակերպության:

7. ԿԱԶՄԱԿԵՐՊՈՒԹՅԱՆ ԿԱՌԱՎԱՐՄԱՆ ԿԱՐԳԸ

Կազմակերպության կառավարման մարմիններն են՝ Ընդհանուր ժողովը և գործադիր մարմինը /նախագահը/:

7.1. Կազմակերպության գործունեության և կառավարման ցանկացած հարցի վերջնական լուծման իրավունքը պատկանում է Կազմակերպության բարձրագույն մարմնին՝ Ընդհանուր ժողովին:

7.2. Կազմակերպության հերթական Ընդհանուր ժողովը հրավիրվում է 5 տարին մեկ անգամ: Կազմակերպության հերթական Ընդհանուր ժողովը հրավիրում է գործադիր մարմինը՝ անդամների համատեղ հավաքի ձևով կամ եթե դա հնարավոր չէ, ապա հեռակա կարգով՝ հեռահաղորդակցության միջոցների կիրառմամբ կազմելով համապատասխան արձանագրություն: Գործադիր մարմինը /նախագահը/ որոշում է Ընդհանուր ժողովի անցկացման օրը, ժամը և տեղը, ինչպես նաև Ընդհանուր ժողովի օրակարգի նախնական տարբերակը և այդ մասին ոչ ուշ քան 20 օրվանից առաջ պատվիրված նամակով, կամ էլեկտրոնային եղանակով կամ զանգվածային լրատվության միջոցներով կամ օրենքով սահմանված այլ եղանակներով ծանուցում է կազմակերպության անդամներին և կառույցներին:

7.3. Կազմակերպության արտահերթ Ընդհանուր ժողովը հրավիրվում է գործադիր մարմնի նախաձեռնությամբ, կամ Կազմակերպության անդամների առնվազն մեկ երրորդի նախաձեռնությամբ գործադիր մարմնի կողմից:

7.4. Կազմակերպության արտահերթ Ընդհանուր ժողովը գումարվում է վերոնշյալ նախաձեռնությունից ոչ ուշ, քան 5 օրվա ընթացքում: Արտահերթ Ընդհանուր ժողովը գումարելու ժամանակի և վայրի մասին Ընդհանուր ժողովի մասնակիցները ծանուցվում են արտահերթ Ընդհանուր ժողով անցկացնելու օրվանից 5 օր առաջ:

7.5. Ընդհանուր ժողովի բացառիկ իրավասության հարցերն են՝

- Կազմակերպության կանոնադրության հաստատումը, փոփոխումը լրացում կատարելը և նոր խմբագրությամբ կանոնադրության հաստատումը.
- Կազմակերպության գործադիր մարմնի ընտրությունը, փոփոխումը, ետ կանչումը և լիազորությունների դադարեցումը.
- Կազմակերպության լուծարման (բացառությամբ դատարանի վճռով լուծարվելու դեպքերի) և վերակազմակերպման մասին որոշման ընդունումը.
- ստեղծել այլ իրավաբանական անձ, կամ այլ կազմակերպությունում Կազմակերպության մասնակցության մասին որոշման ընդունումը.
- Կազմակերպության կառուցվածքի հաստատումը.
- Կազմակերպության մարմինների իրավական ակտերի պահանջներին և կանոնադրությանը հակասող որոշումների գործողության դադարեցումը.

7.6. Ընդհանուր ժողովի իրավասության հարցերի մեջ են մտնում նաև՝

- Կազմակերպության առանձնացված ստորաբաժանումներ կամ հիմնարկներ ստեղծելու և դրանց կանոնադրությունները հաստատելու մասին որոշումների ընդունումը.
- Կազմակերպության գործադիր մարմնի վարձատրություն սահմանված լինելու դեպքում վարձատրության կարգի և պայմանների սահմանումը.
- Կազմակերպության աուդիտին իրականացնող անձի ընտրությունը, եթե օրենքի համաձայն կազմակերպությունը ենթակա է աուդիտի.
- որոշում է անդամավճարների չափերը և դրանց գանձման կարգը, սահմանում է Կազմակերպության անդամների հաշվառում վարելու կարգը և պայմանները, ինչպես նաև Կազմակերպության անդամների նկատմամբ խրախուսանքի և տույժի միջոցներ կիրառելու կարգը:
- հինգ տարին մեկ հաստատելու գործադիր մարմնի կողմից Ընդհանուր ժողովի գումարմանը նախորդող տարիների ընթացքում հաստատված Կազմակերպության գործունեության և գույքի օգտագործման տարեկան հաշվետվությունները.
- օրենքով կամ Կազմակերպության կանոնադրությամբ նախատեսված այլ լիազորությունների իրականացումը:

7.7. Ընդհանուր ժողովը կարող է հարցեր քննարկել և որոշումներ ընդունել, եթե նրան մասնակցում են Կազմակերպության բոլոր անդամների կեսից ավելին: Հարցերի քննարկման ժամանակ որոշումներն ընդունվում են կազմակերպության բոլոր անդամների ձայների պարզ մեծամասնությամբ: Ընդհանուր ժողովի արձանագրությունը ստորագրում են Ընդհանուր ժողովի նախագահողը և քարտուղարը: Ընդհանուր ժողովի արձանագրությունները պահպանվում են 5 տարի:

7.8. Գործադիր մարմինը ընտրվում է Ընդհանուր ժողովի կողմից հինգ տարի ժամանակով: Կազմակերպության գործադիր մարմինը կազմակերպության նախագահին է: Նախագահը ղեկավարում է կազմակերպության գործունեությունը և վարում է Ընդհանուր ժողովի նիստերը:

7.9. Գործադիր մարմնի իրավասությունները ներառում են Կազմակերպության ընթացիկ գործունեության կառավարման, ինչպես նաև Կազմակերպության կառավարման մարմինների գործունեությունն ապահովելուն ուղղված բոլոր հարցերը:

7.10. Գործադիր մարմինը Կազմակերպության կանոնադրությանը և Ընդհանուր Ընդհանուր ժողովի որոշումներին համապատասխան՝

- ապահովում է Ընդհանուր ժողովի որոշումների կատարումը.
- մինչև հինգ միլիոն դրամ արժողությամբ ցանկացած գույք միանձնյա, իսկ հինգ միլիոնից ավելի արժողությամբ ցանկացած գույք Ընդհանուր ժողովի հետ համաձայնեցնելով տնօրինում և կառավարում է Կազմակերպության գույքը, այդ թվում՝ ֆինանսական միջոցները, գործարքներ է կնքում Կազմակերպության անունից.

- ներկայացնում է Կազմակերպությունը Հայաստանի Հանրապետությունում և օտարերկրյա պետություններում.
- տալիս է լիազորագրեր.
- բանկերում բացում է Կազմակերպության հաշվարկային (այդ թվում՝ արտարժույթային) և այլ հաշիվներ.
- իր իրավասության սահմաններում արձակում է հրամաններ, հրահանգներ, կատարման համար տալիս է պարտադիր ցուցումներ և վերահսկում դրանց կատարումը.
- հաստատում է կազմակերպության հաստիքացուցակը և տարեկան ծախսերի նախահաշիվը.
- հաստատում է Կազմակերպության գործունեությունը կանոնակարգող ներքին փաստաթղթերը, այդ թվում՝ նրա առանձնացված ստորաբաժանումների, հիմնարկների ներքին կարգապահական և այլ կանոնները,
- ընդունում է Կազմակերպության անդամ և ազատում /հեռացնում/ Կազմակերպության անդամությունից,
- հաստատում է Կազմակերպության մարմինների հաշվետվությունները, ինչպես նաև Ընդհանուր ժողովի գումարմանը նախորդող տարիների Կազմակերպության գործունեության և գույքի օգտագործման տարեկան հաշվետվությունները, որոնք 5 տարին մեկ անգամ ներկայացնում է Ընդհանուր Ընդհանուր ժողովի հաստատմանը.
- իրականացնում է օրենքով և Կազմակերպության կանոնադրությամբ իրեն վերապահված այլ լիազորություններ:

7.11. Գործադիր մարմինն իր լիազորություններն իրականացնելիս Կազմակերպության անունից հանդես է գալիս առանց լիազորագրի:

7.12. Գործադիր մարմինը կրում է օրենքով նախատեսված պատասխանատվություն օրենքների, իրավական այլ ակտերի, Կազմակերպության կանոնադրության, Ընդհանուր ժողովի որոշումների կամ կնքված պայմանագրերի պահանջները չկատարելու կամ ոչ պատշաճ կատարելու համար:

8. ԿԱԶՄԱԿԵՐՊՈՒԹՅԱՆ ԿԱՄԱՎՈՐՆԵՐԸ ԵՎ ՇԱՀԱՌՈՒՆԵՐԸ

8.1. Կազմակերպությունը կարող է իր նպատակներին համապատասխան՝ ունենալ շահառուներ, ինչպես նաև ներգրավել կամավորների իր աշխատանքներում, բացառությամբ ձեռնարակատիրական գործունեության:

8.2. Կազմակերպության շահառուներն են պատանիները, դպրոցականները, երիտասարդները, միայնակ ծերերը, զինվորականները, զինծառայողները, զոհված ազատամարտիկների ընտանիքի անդամները, ազգությամբ հայ օտարերկրացիները, Արցախի, Սփյուռքի հայությունը, հաշմանդամություն ունեցող անձինք, սոցիալապես անապահով և հատուկ կարիքավոր անձանց խմբերը, կրթական, մշակութային գործունեություն իրականացնող իրավաբանական անձինք և նրանց

ներկայացուցիչները, համայնքները, համայնքի բնակիչները ի շահ որոնց իրականացվում է Կազմակերպության գործունեությունը:

Կազմակերպության կողմից կամավորներ ներգրավելու իրավահարաբերությունների նկատմամբ կիրառվում են «Բարեգործության մասին» ՀՀ օրենքը և ՀՀ աշխատանքային օրենսգիրքը այնքանով, որքանով այդ կարգավորումները չեն հակասում Օրենքին:

8.3. Եթե կամավորի աշխատանքի տևողությունը գերազանցում է շաբաթական 20 ժամը, ապա Կազմակերպությունը կամավորների հետ կնքում է կամավոր աշխատանքի մասին պայմանագիր, որը համաձայնություն է կամավորի և Կազմակերպության միջև: Պայմանագրի հիման վրա կամավորն իր կամքով, առանց վարձատրության և որոշակի ժամկետով իրականացնում է կամավոր աշխատանք, իսկ Կազմակերպությունն ապահովում է կամավոր աշխատանքի իրականացման համար անհրաժեշտ, անվտանգ և առողջության համար անվնաս պայմաններ:

8.4. Արգելվում է կամավորներին ներգրավել Կազմակերպության ձեռնարկատիրական գործունեության մեջ:

8.5. Կամավոր աշխատանքի հետ կապված վեճերը լուծվում են ՀՀ օրենսդրությամբ սահմանված կարգով:

9. ԿԱԶՄԱԿԵՐՊՈՒԹՅԱՆ ԳՈՒՅՔԸ, ԳՈՅԱՑՄԱՆ ԱՂԲՅՈՒՐՆԵՐԸ ԵՎ

ՕԳՏԱԳՈՐԾՄԱՆ ԿԱՐԳԸ

9.1. Կազմակերպության գույքը հանդիսանում է Կազմակերպության սեփականությունը:

9.2. Կազմակերպությունը որպես սեփականություն կարող է ունենալ անշարժ և շարժական գույք՝ շենքեր, շինություններ, տրանսպորտային միջոցներ, սարքավորումներ, դրամական միջոցներ, արժեթղթեր և օրենքով չարգելված այլ գույք: Կազմակերպության անդամը նրա սեփականության նկատմամբ բաժնային իրավունք չունի:

9.3. Կազմակերպության սեփականության գոյացման աղբյուրներ կարող են լինել՝

- ✓ անդամավճարները, դրամական և նյութական ներդրումները,
- ✓ բանկերից կամ վարկային կազմակերպություններից ստացված վարկերը,
- ✓ դրամաշնորհները,
- ✓ բարեգործական ներդրումները, քաղաքացիների և կազմակերպությունների նվիրատվությունները,
- ✓ Կազմակերպության ձեռնարկատիրական գործունեությունից ստացված եկամուտները,
- ✓ Կազմակերպության կողմից հիմնադրված տնտեսական ընկերությունների կողմից փոխանցված գումարները,
- ✓ Հայաստանի Հանրապետության օրենսդրությամբ չարգելված այլ մուտքերը:

«Նոր Հայաստան հայրենիք-սփյուռք» բարեգործական հասարակական կազմակերպության խորհրդանիշի պատկերը



Սույն կանոնադրությունը կազմված է 05.11.2018թ. և բաղկացած է 13 թերթից: